



ILIDŽA

INFORMATIVNI BILTEN OPĆINE ILIDŽA

Juli 2019. / Broj 183



Obilježeno 27 godina postojanja Četvrte viteške motorizovane brigade





Svečanom sjednicom obilježeno 27 godina postojanja Četvrte viteške motorizovane brigade

Četvrta viteška motorizovana brigada slavi 27 godina postojanja. Pripadnici Četvrte viteške motorizovane brigade predvođeni generalom Fikretom Prevljakom postali su prepoznatljivi po slozi i neiscrpoj energiji kojom nastoje sačuvati sjećanja na saborce i herojsku borbu protiv agresora i agresije na našu zemlju, a u njegovanju od zaborava pomaže im načelnik Općine Ilidža prof.dr. Senaid Memić. Ispred centralnog

spomen – obilježja na Ilidži 26. jula brojne delegacije položile su cvijeće, proučile Fatihu ili na neki drugi način odali počast poginulim borcima i šehidima.

Nakon toga, u multifunkcionalnoj sali Općine Ilidža održana je svečana sjednica Općinskog vijeća. Predsjedavajući Općinskog vijeća, Muhamed Omerović, govoreći o značaju brigade, istakao je da se nikada neće zaboraviti oni koji su voljeli i štitili

različitost i slobodu ove zemlje.

„Suživot moramo graditi na istini. Zločinci moraju odgovarati za učinjena djela. Naša djeca moraju znati šta se desilo na ovom prostoru, bošnjačkom i hrvatskom narodu. Iako je iz pravosnažnih presuda i dostupne dokumentacije potpuno jasno ko su naredbodavci i izvršioci, iz nama nejasnih razloga protiv istih se ništa ne poduzima. Danas, 27. godina poslije, svjedočimo da se nije odus-





talo od ideje „Velike Srbije“. Imamo li pravo šutiti o zločinu koji se dešavao na Ilidži u periodu od 1992-1995? Vrata naše općine su otvorena svim građanima, gostima, putnicima i dobronamjernim prijateljima naše multietničke Bosne i Hercegovine, a dušmani neka znaju da 4. viteška postoji i još je jača“ – istakao je u svom govoru Muhamed Omerović.

Na svečanoj sjednici, također, prikazan je dokumentarni film „Zločin bez kazne – Ilidža 1992-1995“, u kojem su izneseni osnovni elementi organizovanog i sistematskog čišćenja Ilidže od svega što nije srpsko.

Teritorija koju je ova brigada držala na početku rata nije se smanjila ni pedlja, samo je proširena, a jedinica je učestvovala u velikom broju operacija od Ilidže, pa do Krajine, i predstavlja nepobitnu historijsku činjenicu u odbrani slobodnih ilidžanskih prostora, tada jedinog spoja glavnog grada sa ostatkom države. Kroz brigadu je prošlo više od 6.500 boraca, 33 ih je nagrađeno najvećim ratnim priznanjem Zlatni ljiljan, a 425 ih je dalo živote za odbranu domovine.

“I poslije 27 godina pripadnici ove brigade i dalje stoje u stroju, i dalje su



tu za svoj narod, na usluzi svojoj domovini. Općina Ilidža će i dalje učestvovati u obilježavanju ovakvih godišnjica jer smo mi danas tu zahvaljujući upravo najboljim sinovima ove države” – izjavio je načelnik Općine Ilidža, prof.dr. Senaid Memić. ■





RAZGOVOR S POVODOM

Enes Đelilović: Za zločine se mora odgovarati, jest da je pravda spora ali neko će dočekati



Vi ste bili logoraš, vjerovatno se teško prisjećati svega što ste preživjeli, ali pretpostavljam da je motiv za pisanje knjige kako bi ostalo trajno nešto što ste preživjeli mnogo jači. Napisali ste knjigu. Otkrijte nam nešto što će biti u njoj?

Kao logoraš i predsjednik logoraša, neko ko je bio zarobljen i preživio mnogo ružnih stvari, uzimajući izjave od članova slušajući kakvi su se zločini dešavali, a ujedno prisjećajući se onoga šta sam i ja preživio, sebi sam rekao mora se to zabilježiti i uobličiti na jednom mjestu. Knjiga ima dvodimenzionalnu vrijednost. Prva vrijednost je što će knjiga poslužiti za istraživanje, a druga za procesuiranje ratnih zločina, a i historijska da mladi naraštaji ne zaborave šta se dešavalo. Prvo, Ilidža je jedna od sedam općina gdje se dogodio neviđen zločin i to je dokazano u Haškom tribunalu, procesuirajući ratnog zločinca Mladića, procesuirajući rukovodstvo SDS-a Krašnika, Karadžića, Plavšićku. Da bi odgovorili na mnoga pitanja, šta se dešavalo u Bosni i Hercegovini, potrebno je da neprekidno tragamo za

Enes Đelilović, pripadnik Četvrte viteške brigade, ratni vojni invalid i logoraš napisao je knjigu i uskoro će ugledati svjetlost dana. Knjiga nosi ime "Zločin - nedočekana pravda". Tim povodom razgovarali smo s njim.

istinom i uzrocima koji su doveli do toga. Ratovi na prostoru bivše Jugoslavije nisu sami došli. Upravo politika koja je dolazila iz Beograda, a kasnije i iz Zagreba, najveći su krivci za brojne oblike zločina, među kojima i genocid na ovim prostorima. U BiH, Evropska zajednica i ostatak svijeta im je dao dobar dio teritorije kao entitet RS, kao jednom od konstitutivnih naroda, da žive, nadajući se da će se svijest predstavnika i političara tih ljudi promijeniti nabolje i politika, prije svega. Ta ista politika ostavila je krvave zločinačke tragove za sobom. Nikada niko nikome nije poklonio slobodu. Svaki narod mora da izbori slobodu sam, ili će nestati. Narod mora u sebi da nađe snage, tako sam i ja našao snagu da sve zabilježim.

Znam da je teško pričati o torturama koje ste preživjeli. Evo, Vi ste živi svjedok da se osim što pričate vi i pi-

šete i borite se na taj način. Meni se čini da se vi borite da se ne zaboravi ono šta je bilo na Ilidži 1992.?

Na višestranačkim demokratskim izborima, održanim 18. novembra 1990. godine, za predsjednika Skupštine Opštine Ilidža izabran je Hussein Mahmutović, a za predsjednika Izvršnog odbora Opštine Ilidža Radomir Kezunović. Predstavници stranke SDS-a nisu isto mislili kao mi. Vođeni odlukama Skupštine srpskog naroda u BiH, postupajući po uputama rukovodstva SDS-a i njenog lidera Radovana Karadžića, odlukom broj 079, od 19. 12. 1991. godine, održali su u potpunoj tajnosti Skupštinu srpskog naroda na Ilidži 03. januara 1992. godine. Glavna odluka tog zasjedanja je stvaranje i proglašenje srpske skupštine Opštine Ilidža. Tada je odlučeno da Skupština srpskog naroda Opštine Ilidža



bude najviši organ vlasti srpskog naroda na području Ilidže, da istu sačinjavaju odbornici SDS-a Ilidže, kao i drugi odbornici srpske nacionalnosti koji potpišu izjavu o pristupanju ovoj Skupštini, da se novom odlukom određuje da će Skupština osnovati svoje izvršne organe vlasti i potrebna radna tijela. Prvi izabrani predsjednik Skupštine srpskog naroda Ilidže bio je Radomir Kezunović, koji je istovremeno obavljao dužnost predsjednika Izvršnog odbora Opštine Ilidža, koji je regularno izabran na izborima 1991. godine. Na tajno održanoj Skupštini „Srpske Opštine Ilidža“ dolazi do smjene Kezunovića sa mjesta predsjednika „Srpske Opštine Ilidža“, a umjesto njega imenuje se Neđeljko Prstojević. U nastavku Skupštine donosi se Odluka o formiranju Kriznog štaba od 15 članova, a to su: Neđeljko Prstojević - komandant, Radoslav Unković, zamjenik, Nikola Tešanović, Momčilo Čeranić, Ranko Mandić, Ignjat Simić, Svetozar Milošević, Miro Lalović, Radivoje Drašković, Obrad Popadić, Rade Ristić, Novica Vulović, Tomislav Kovač - ujedno komandir milicije, te izvjesni Jeremija i Petar. Vjerodostojnost ovih podataka pokazuje dokument broj - ID081720 Haškog tribunala. Neđeljko Prstojević postaje komandant Kriznog štaba „Srpske Opštine Ilidža“. Ova činjenica je od iznimne važnosti, jer je on komandovao svim oružanim formacijama formiranih od strane SDS-a i ostacima JNA na području opštine, sve do formiranja Vojske RS-a. Dužnost komandira Stanice milicije na Ilidži obavljao je Tomislav Kovač. Treba napomenuti da je oformljeno snajpersko odjeljenje koje je kontrolisalo centar Ilidže i u slučaju napada i čišćenja naseljenih dijelova, da bude okosnica sa specijalnim jedinicama. Radi doprinosa u pripremi za rat i izvršenja zadataka, predložio je šest pripadnika da se nagrade, i to: Zgonjanin Zdravko, Kolarević Miloje, Milidrag Vojo, Gutović Radomir, Borovnica Tihomir,

Botić Veseljko. Tomislav Kovač i njegovi istomišljenici otpočeli stvaranje tajne paralelne organizacije u sastavu Stanice milicije Ilidža i njenih rezervnih stanica. Kao dokaz svih protivustavnih i zakonskih radnji i namjera srpske strane svjedoči i akt pod brojem 02970034 Tužilaštva koji je korišten kao dokaz za procesuiranje ratnih zločina u BiH. Početkom aprila 1992. godine, u Sarajevo stiže jedna jedinica srbijanske Državne bezbjednosti, pod komandom Milorada Ulemeka Legije, čiji je pretpostavljeni u to vrijeme bio Željko Ražnatović Arkan. Nakon sukoba sa Specijalnom jedinicom MUP-a RBiH u naselju Grbavica, kod slastičarne „Palma“, iz sastava ove neprijateljske jedinice ginu četiri vojnika. Tada Milorad Ule-



mek Legija prelazi na Ilidžu. Za nekoliko dana, on sa svojim vojnicima uspostavlja dva kampa za obuku dobrovoljaca, i to jedan u Blažuju a drugi u Ušivku, kod Hadžića. Nije teško zaključiti kakvu su sudbinu bili namijenili članovi Kriznog štaba samoproglashene „Srpske općine Ilidža“ stanovnicima ova tri naselja. „Jedan od zaštitnih znakova Ilidže, uz Vrelo Bosne, Veliku aleju i Blažujsku crkvu bio je Siniša Gerum Milić zvani Mongo. „Gospodari života i smrti“, sredinom aprila 1992. godine, stigli su na područje općine Ilidža. Zva-

li su ih „arkanovci“. Ova jedinica je na Ilidžu došla pod komandom Milorada Lukovića Legije. Njegov pretpostavljeni bio je Željko Ražnatović Arkan. Sve su ovo podaci koji su napisani u knjizi.

Ko vam je sve pomogao s obzirom da ste iznijeli mnogo činjenica a u knjizi ste sve to i dokumentovali aktima kojima to što pišete i potvrđujete. Kako ste dolazili do toga?

Prvo Tomo Kovač treba biti uhapšen, a drugi je Neđeljko Prstojević sa 14 ljudi koji su činili velika zlodjela. Sve se radilo pod njihovom komandom, sve sistemski. Tomislav Kovač se procesuirao za genocid u Srebreniku, a za Ilidžu niko od njih nije odgovorio. Svi dokumenti su iz Haškog tribunala, a pomogao mi je puno Emir Redžović. U mojoj knjizi se nalaze dokumenti koji svjedoče da se ovdje htjelo otjerati nesrpsko stanovništvo, odnosno uraditi etničko čišćenje. Logori su bili u sadašnjoj Oazi, Kuli, zgrada Dom zdravlja, obdanište Radost, Grafička škola, Šumarska škola, Šipadova vila, kasarna Blažuj.

Srećete li ikog iz tog perioda i na kraju mrzite li ikog?

Ti ljudi hodaju slobodno, sreo sam čak u tramvaju jednog svog krvnika. Ostao sam živ nisu me ubili i hvala Bogu što mi je dao snage da ovo napišem. Nikog ne mrzim, a poručujem Bosne je bilo i bit će, a nadam se da će neko od zločinaca završiti iza rešataka. I dalje ljude dijelim na ljude i ne ljude i molim ih da se odreknu neljudi iz svojih redova.

Za kraj kad će biti promocija ove knjige i ko vam je finansijski pomogao?

Općina Ilidža mi je najviše pomogla. Promocija knjige je 09. augusta u 18 sati u nekadašnjem kinu Igman i pozivam sve preživjele saborce i građane da dođu. ■



Završetak pješačkog mosta kod OBI-ja do 31. augusta

Općina Ilidža je u maju, na pismeni zahtjev izvođača radova na izgradnji pješačkog mosta preko Željeznice, produžila rok za 65 kalendarskih dana, uvažavajući razloge zbog štete koja je nastala prekomjernim padavinama i naglim porastom vodostaja rijeke Željeznice. Rok za primopredaju radova bio je 29. juli 2019. godine.

U međuvremenu nakon izrade va-

riacione situacije, utvrđeno je da na budžetskoj stavci postoji dovoljno sredstava da se sa izvođačem radova dogovori i vanjsko uređenje za što postoji zasebna projektno tehnička dokumentacija, a koji radovi su inače bili planirani za iduću budžetsku godinu. Za realizaciju radova na vanjskom uređenju izvođaču radova je produžen rok do 31. augusta 2019. godine. ■

Za regulaciju Zujevine 81.500 KM

Načelnik Općine Ilidža prof.dr. Senaid Memić potpisao je 12. jula 2019. sa direktorom Kantonalne uprave Civilne zaštite Kantona Sarajevo Samirom Džidićem i direktorom Zavoda za izgradnju Kantona Sarajevo Mirzom Hulusićem u Kantonalnoj upravi Civilne zaštite Kantona Sarajevo, Sporazum o sufinansiranju projekta regulacije riječnih korita na području općine Ilidža. Ovim sporazumom predviđena su sredstva za regulaciju korita rijeke Zujevine u MZ Osijek. Projekat Regulacije korita Zujevine u MZ Osijek Uprava će sufinansirati u iznosu od 81.500 KM. Općina Ilidža će pribaviti potrebne dozvole za izvođenje radova, te riješiti imovinsko-pravne od-

nose, provesti procedure i izvršiti izbor najpovoljnijeg izvođača radova.

Nadzor nad realizacijom projekta vrši Zavod za izgradnju KS. U Kantonalnoj upravi CZ potpisani su sporazumi za sufinansiranje projekata regulacije vodotoka na području i općina Ilijaš, Hadžići, i Vogošća. Prema riječima direktora Džihica, sredstva će biti podrška općinama koje su do sada imale najveći probleme s poplavama.

Za ovu namjenu Kantonalna uprava civilne zaštite izdvojila je 374.000 KM, a na raspolaganju imaju još oko 125.000 KM, koje se planiraju utrošiti interventno za potrebe i drugih sarajevskih općina.



“Ova sredstva ćemo utrošiti za regulaciju rijeke Zujevine. Nadamo se da nećemo više nikad imati većih problema sa poplavama, jer ćemo sredstva utrošiti na produžetak korita, odnosno betoniranje, da bi voda išla brže, a nadam se da će stanovnici biti zadovoljni izjavio je načelnik Memić.

Rok za izgradnju korita rijeke Zujevine prema ovom sporazumu je 31. decembar 2019. godine. ■

Uručeno 35 ugovora za dodjelu plastenika

Općina Ilidža kontinuirano podržava razvoj primarne poljoprivredne proizvodnje. Na osnovu Pravilnika o utvrđivanju uslova, kriterija i postupaka za ostvarivanje prava na dodjelu, a u okviru realizacije projekta „Dodjela plastenika na općini Ilidža“ i ove godine je organizovana dodjela plastenika. Na prijedlog komisije, općinski načelnik je donio odluku o dodjeli plastenika za 35 kandidata koji su zadovoljili uslove konkursa. Plastenici su površine 100 kvadratnih metara sa kompletnom opremom čija pojedinačna vrijednost iznosi oko 3000 KM. Za realizaciju ovog projekta Općina Ilidža je iz budžeta izdvojila oko

100.000 KM. U sali Općine Ilidža 18. jula 2019. godine, sa kandidatima koji su ostvarili pravo na dodjelu potpisani su ugovori o dodjeli plastenika.

„Općina Ilidža je od 2010. godine do sad podijelila ukupno 555 plaste-



nika. Na ovaj način želimo pomoći građanima da svojim radom proizvedu hranu za svoje potrebe i na taj način ostvare dodatni prihod, što je korisnije nego drugi vid pomoći. Ovo je dobro namjera da se pomogne ljudima koji hoće raditi, da im se da alat u ruke. Neka vam je sa srećom“, kazao je načelnik Općine Ilidža prof. dr. Senaid Memić u svom obraćanju dobitnicima plastenika.

Zvonimir Barnjak, dobitnik plastenika izrazio je zahvalnost Općini Ilidža rekavši da se nada da će proizvoditi koje zasadi pomoći ne samo njemu i njegovoj porodici da se zdravo hrane, već da obraduje rodbinu i komšije. ■



Asfaltirano 11 ulica, a izdvojeno 237.214,00 KM

Na području općine Ilidža, završeno je asfaltiranje 11 ulica, a u toku je asfaltiranje još jedne. Za te namjene izdvojeno je 237.214,00 KM.

U toku je rekonstrukcija dijela ulice Begluk u dužini od 145 m i širini tri i po metra. Općina Ilidža je investitor u vrijednosti 19.332,00 KM, a za izvođača radova izabrala je firmu Sarajevoputevi d.d. Sarajevo.

Završeno je asfaltiranje ulice Huseina Đoze od 252 do br. 266, u dužini od 115m i širini od šest metara. Investitor je Općina Ilidža. Izvođač radova je firma Sarajevoputevi d.d. Sarajevo, vrijednost je 24.121,00 KM.

Novi asfalt dobili su i stanovnici ulice Ajvaz Dedina u dužini od 535m, te širine 4-5 metara. Općina Ilidža za ove radove je izabrala firmu Sarajevoputevi d.d. Sarajevo. Za rekonstrukciju ove ulice općina je izdvojila 84.000,00 KM.

Asfaltirana je i pješačka staza u ulici 6.april u dužini od 250m i širine 1,5-3,5 metara. Općina Ilidža je finansirala ove radove u vrijednosti 21.000,00 KM. Radove je izvodila firma GP ing d.o.o. Sarajevo.

Završeno je asfaltiranje ulice Put spasa 8-16 u dužini od 90m i širini tri me-

tra. Izvođač radova GP ing d.o.o. Sarajevo, te vrijednost radova je 6.500,00 KM. Asfaltiranje sedam ulica u omjeru 70 posto finansiranja Općine Ilidža i 30 posto građani je uspješno završena.

Rekonstrukcija ulice Mekote od broja 93 urađena je na dužini od 68m i širine tri metra. Investitor je Općina Ilidža u omjeru 70 posto i građani u omjeru 30 posto. Izvođač radova povjeren je konzorciju firmi GP ing d.o.o., a vrijednost radova iznosila je 6.009,00 KM.

Stanovnici ulice Rate Dugonjića od broja 122 do 130 broja dobili su novi asfalt dužine od 68m i širine tri metra. Investitor je Općina Ilidža u omjeru 70 posto i građani 30 posto. Vrijednost radova: 16.500,00 KM. Izvođač radova povjeren je konzorciju firme GP ing d.o.o. Sarajevo.

Radovi su okončani u ulici Rakovička cesta od br. 393 do br. 407, na dužini od 143m i širine tri metra. Izvođač radova: GP ing d.o.o. Sarajevo, a vrijednost radova je 13.800,00 KM.

Asfaltiranje ulice Kobiljača od br.16 na dužini od 150m i širini tri metra je okončano. Vrijednost radova:



13.080,00 KM. Izvođač radova: GP ing d.o.o. Sarajevo.

Završeno je asfaltiranje ulice Zenik (krak od glavne ulice do br. 94) na dužini od 62m i širini od tri metra. Investitor je Općina Ilidža 70 posto i građani 30 posto. Izvođač radova: konzorcij firmi GP ing d.o.o. Vrijednost radova: 5.300,00 KM.

Nastavak radova iz 2018. godine u ulici Kakrinjski put je okončan, i to na dužini od 177m i tri metra širine. Vrijednost radova je: 17.072,00 KM. Investitor je Općina Ilidža i građani. Izvođač radova. GP ing d.o.o.

U ulici Zelena meraja od br. 71 do br. 79 u MZ Rakovica su završeni, u dužini od 110m i širini tri metra. Investitor je Općina Ilidža 70 posto i građani 30 posto. Vrijednost radova: 10.500,00 KM. Radovi su povjereni firmi GP ing d.o.o. Sarajevo. ■



Odata počast herojima Četvrte viteške brigade

U znak sjećanja na herojsku odbranu koju su vodili hrabri vitezovi Četvrte viteške motorizovane brigade, i ove godine je upriličena posjeta Golom brdu. U sklopu programa obilježavanja 27. godišnjice formiranja ove brigade, zvaničnici, preživjeli saborci i porodice šehida na čelu sa komandantom Četvrte viteške brigade generalom Fikretom Prevljakom, obišli su i položili cvijeće na mjesto stradanja Emira Bogunića - Čarlija, sestara Semire i Mevlide Elčić i Džemala Bulbula na Golom Brdu, te na taj način odali počast i obilježili godišnjicu stradanja ova četiri heroja, njegujući veličinu žrtve koju su isti podnijeli.

Potom su brojne delegacije položile cvijeće na mezarima Emira Bogunića - Čarlija i Ejuba Sarajkića - Eke u parku ispred Doma kulture u Hrasnici. Tom prilikom proučena je Fatiha i Ja-



sin dova.

Emir Bogunić – Čarli, bio je komandir voda Četvrte motorizovane brigade i jedan od najistaknutijih boraca. Poginuo je 28. jula 1993. godine na Golom brdu na Ilmanu. Najvišim

ratnim priznanjem "Zlatni ljiljan" odlikovan je 1993. godine, a posthumno je 1994. godine odlikovan "Ordenom za vojne zasluge sa zlatnim mačevima" i proizveden u čin pukovnika Armije R BiH. Bosanske heroine sestre Mevlida i Samira koje su izbjegavši iz Dervente, preko Hrvatske došle da brane Sarajevo a na Golom brdu su poginule. Mevlida je posthumno odlikovana "Zlatnim ljiljanom". Džemail Bulbul je istinski heroj koji je poginuo s puškom u rovu u akciji oslobađanja Golog brda.

Centralna manifestacija obilježavanja 27. godišnjice upriličena je ispred Doma kulture uz bogat kulturno-zabavni program. Prisustvovao je i član Predsjedništva Šefik Džaferović. ■



Obilježena godišnjica stradanja djece u parku u Hrasnici

U parku u Hrasnici u organizaciji Udruženja logoraša Ilidža, 12. jula 2019. godine, roditelji, rodbina, prijatelji, vršnjaci, delegacije Općine Ilidža, udruženja roditelja ubijene djece opkoljenog Sarajeva 1992-1995. godina, logoraša općine Ilidža, koordinacije boračkih udruženja Ilidže polaganjem cvijeća ispred spomen obilježja, učenjem Fatihe, minutom šutnje odali su počast ubijenoj djeci.

Prije 27 godina 12. jula 1992. godine, tačno u 14,50 sati, granata ispaljena sa agresorskih položaja iz pravca Vojkovi-

ća usmrtila je četvoro nevinih mališana u parku u Hrasnici. Tog dana zauvijek su prestala da kucaju srca nevinih mališana Azmira Bradarca, Sanele Hadžiomeirović, Aldine i Admira Čolpe.

„Teško je govoriti na ovom mjestu i ovakvim tužnim povodom kako bismo sačuvali sjećanje na ovu djecu koja su u rijetkim trenucima igre zvjerski ubijena. Zato vas molim da se svake godine okupljamo na ovaj dan kako bi se sjetili ovog tragičnog događaja,“ kazao je načelnik Općine Ilidža prof. dr. Senaid Memić. ■



“Spriječiti prosjačenje nije samo naše pravo nego i naša obaveza”

Peta policijska uprava Ilidža i Komisija za sigurnost Općinskog vijeća Ilidža u julu realizovali su projekt „Stop prosjačenju“. Info pult je bio postavljen u Maloj aleji. Projekat je uradila Peta policijska uprava, a finansirala Općina Ilidža. Cilj projekta je da se utiče na svijest građana da ne podržavaju prosjačenje, odnosno da ne učestvuju u ovakvim protupravnim radnjama tj. da ne daju novac ili bilo kakav drugi vid milostinje. U sklopu projekta urađen je promotivni materijal koji se dijelio građanima. Materijal je urađen na tri jezika: engleski, bosanski, arapski u kojem su upute za građane i brojevi telefona putem kojih građani mogu pozvati policiju i pomoći u realizaciji projekta.

„Spriječiti prosjačenje nije samo naše



pravo nego i naša obaveza“.

Pozivaju se građani koji primijete lica koja prose na javnim mjestima, a posebno vlasnike i uposlenike u ugostiteljskim objektima, prodavnicama,

te autobuskim stajalištima i saobraćajnim raskrsnicama da to prijave policijskim službenicima ili u policijsku stanicu Ilidža putem telefona 033/639-000. ■



Veče duhovne muzike “Vječnost je njihova”

Na Ljetnoj pozornici 27. jula 2019. godine u organizaciji Udruženja Četvrte viteške brigade i pod pokroviteljstvom načelnika Općine Ilidža prof.dr. Senaida Memića održan je koncert duhovne muzike “Vječnost je njihova. Organizatori su se prisjetili svih poginulih pripadnika Četvrte viteške brigade koji su dali ono najbitnije



za ovu državu, život, te još jednom ponovili da nikad neće biti zaboravljeni. Solisti grupe Ašik izvođenjem najljepših ilahija ispunili su srca posjetilaca. ■

Dodijeljena sredstva za poticaj u razvoj poduzetničke inicijative mladih

Načelnik Općine Ilidža prof. dr. Senaid Memić 8. jula 2019. godine uručio je ugovore za finansiranje i sufinansiranje najboljih poslovnih planova sredstvima iz budžeta Općine namijenjenih razvoju poduzetničke inicijative mladih ljudi na području općine Ilidža.



Na osnovu javnog poziva i pravilnika odabrano je 12 najboljih poslovnih planova mladih za čije finansiranje su dodijeljena novčana sredstva u ukupnom iznosu od 70.000 KM. Sredstva su namijenjena za sufinansiranje troškova registracije, sredstava za rad, zakupa poslovnih prostora, obrtnih sredstava i ostalih troškova prilikom u svrhu registrovanja samostalnih djelatnosti i privrednih društava. Sredstva su nepovratna i maksimalan iznos po poslovnom planu je 5.000 KM.

Finansijska sredstva dobili su Selma Imamović 5.000 KM, Edi Šipka 5.000 KM, Šejla Sarajlić 5.000 KM, Edin Ličina 5.000 KM, Samira Đelilović 5.000 KM, Sanjin Vreto 4.800 KM, Hasan Briga 5.000 KM, Benjamin Muhić 4.500 KM, Kenan Raščić 5000 KM, Berina Gibanica 5.000 KM, Almira Fazlić 4.800 KM i Ensar Murić 4.300 KM. ■



Dia BiH po treći put osvojila prvenstvo Evrope

Reprezentacija osoba sa dijabetesom "Dia BiH" osvojili su prvo mjesto na Evropskom malonogometnom prvenstvu u Ukrajini. Dia BiH je branila naslov prvaka Evrope i po treći put je uspjela. Tim povodom, načelnik Općine Ilidža, prof. dr. Senaid Memić 29. jula 2019. godine u Općini Ilidža upriličio je prijem za njih.

"Čestitam Vam na uspjehu. Sigurno je bilo teško u velikoj konkurenciji i u uslovima u kojima ste branili boje Bosne i Hercegovine postići takav rezultat. Svjesni smo da pomoć koju smo vam dali za odlazak na prvenstvo nije velika, ali vi ste potvrdili da samo sa jakim voljom, hrabrošću i srcem bez velikih finansijskih sredstava moguće je postići velike rezultate. Nekada su očekivanja veća od mogućnosti, ali vi ste dokazali da je nekada moguće i nadmašiti očekivanja" – izjavio je načelnik Memić.

Prim. dr. Midhat Mujkić, predsjednik kluba Dia BiH Ilidža



izrazio je zahvalnost načelniku Općine Ilidža, ističući da je ovo ne samo sportski, već i humani projekat, jer su dokazali da i osobe sa dijabetesom mogu postati prvaci Evrope. Potom je načelniku uručio zahvalnicu za podršku i finansijsku pomoć u radu. ■

Prijem za učesnike Desetog međunarodnog festivala folklora za djecu

Načelnik Općine Ilidža prof. dr. Senaid Memić 26. jula 2019. godine upriličio je prijem za učesnike Desetog međunarodnog festivala folklora za djecu, (djeca uzrasta od 8 do 15 godina). Festival je održan u periodu od 25. jula do 28. jula na Ilidži, a nastupili su ansambli iz Grčke, Makedonije, Mađarske, Rusije, Slovačke, Crne Gore, Srbije, Turske i Bosne i Hercegovine sa oko 600 učesnika. Domaćin festivala je Udruženje za djecu i mlade „Nominativ“.

„Čast mi je i zadovoljstvo biti domaćin festivala folklora za djecu sa ovolikim



brojem zemalja učesnica. Nadam se da će publika na Ilidži uživati u vašim igrama. Želim vam ugodan boravak u našoj općini i uživajte u njenim ljepotama, družite se, razvijajte prijateljstvo, mir i toleranciju i dođite nam i sljedeće godine", kazao je načelnik Memić u svom



obraćanju učesnicima festivala. Gosti nisu krili svoje zadovoljstvo učestvovanjem na festivalu, a posebno su zadivljeni ljepotom Ilidže i Bosne i Hercegovine. Gosti i domaćini razmijenili su poklone, kao znak pažnje i sjećanja na ovaj susret. ■

Osmi moto maraton Srebrenica 2019

Moto klub „Suburb's Riders“ Ilidža organizovao je i ove godine osmi po redu Internacionalni moto maraton Srebrenica 2019. pod nazivom „Da se ne zaboravi i ne ponovi“ posvećen godišnjici srebreničke tragedije. Učešće je uzelo preko 600 motorista iz Bosne i Hercegovine, Hrvatske, Slovenije, Švedske, Austrije, Švicarske, Njemačke, Turske, Libije i Italije koji su se 10. jula 2019. godine okupili na parking u ispred Energoinvesta na Ilidži, gdje je obavljeno akre-

ditiranje učesnika, podjela majica i lunch paketa, nakon čega su u pratnji policije krenuli na defile kroz grad gdje su se zaustavili i položili cvijeće na spomen obilježje Djeca Sarajeva, zatim su krenuli prema Memorijalnom centru Potočari. Na putu prema Srebrenici zaustavili su se u Kladnju, Vlasenici, te Konjević-Polju gdje su obišli nanu Fatu Orlović. Učesnici moto maratona su 11. jula prisustvovali dženazi i obilježavanju 23. godišnjice genocida u Srebrenici. Sretan



put za Srebrenicu zaželio im je načelnik Općine Ilidža prof. dr. Senaid Memić. I ove, kao i predhodne godine Općina Ilidža finansijski je podržala ovu humanu manifestaciju. ■



Najljepši balkoni i bašte

Općina Ilidža devetu godinu zaredom, organizovala je izbor najljepšeg dvorišta i balkona sa cvjetnim aranžmanom, a s ciljem očuvanja tradicije ilidžanskih bašti, ali i podizanja svijesti građana o značaju očuvanja životne sredine i poboljšanja turističke ponude. Na raspisani javni poziv prijavilo se 27 aplikacija koje je komisija za izbor obišla i odabrala najbolje, kojima je načelnik Općine prof.dr. Senaid Memić 16. jula uručio nagrade.

„Nismo mi vas nagradili, vi ste nas nagradili ovom ljepotom, koja oplemenjuje i stvara ugođaj za oči i dušu. Nastavite da uređujete i negujete vašu dvorišta i balkone“, kazao je načelnik Memić.

Za najljepše dvorište prva nagrada pripala je Stanojki Štaka sa Vrela Bosne, drugo mjesto osvojio je Hilmo Mehmedspahić iz Butmira, a treće Sabina Salihović iz Osjeka. Najljepši balkon sa cvjetnim aranžmanom je Irme Turkušić iz Osjeka, dok je drugo mjes-



to pripalo Mustafi Sinanović iz Lužana, a treće Bediji Mehić sa Stupa. Za sve njih Općina Ilidža obezbjedila je novčane nagrade, i to u kategoriji najljepšeg dvorišta za prvo mjesto 800, drugo 700 i treće 600 KM. Za najljepši balkon prva nagrada iznosi 600, druga 500 i treća 400 KM. ■



Marš mira Ilidža-Nezuk-Srebrenica



Gorska služba spašavanja i Streljački klub Ilidža u saradnji i pod pokroviteljstvom Općine Ilidža desetu godinu zaredom organizovala je Marš mira Ilidža-Nezuk-Srebrenica. Ovogodišnji učesnici, njih 58 otišli su do Nezuka ispred zgrade Općine 7. jula 2019. godine. Sudionici marša su se u Nezuku pridružili ostalim učesnicima marša odakle su nastaviti put prema Memorijalnom centru u Potočarima, gdje su 11. jula prisustvovali kolektivnom ukopu i dženazi žrtvama genocida. ■



Košarkaški projekat sa Ilidže o kom priča cijeli region

Prošlogodišnjim spajanjem - fuzijom dva Ilidžanska košarkaška kluba KK "Igman" i KK „Burch“ pokrenut je izvanredan projekat i priča koja je obišla cijeli region.

Da je fuzija ova dva kluba bio pravi potez govore rezultati postignuti u sezoni 2018/19. Kadetska selekcija ovog kluba igra ligu Kantona Sarajevo i već u prvoj sezoni učesnik je play-offa u borbi za prvaka.

Ova selekcija takođe je napravila odličan rezultat na međunarodnom šestoprijskom turniru kada je osvojila treće mjesto, pobjeđivši i neke od najboljih hrvatskih ekipa KK „Kvarner“ i KK „Dubrovnik“, a osvojila i prvo mjesto na „7. Basketcup 2019“ turniru pobjedom u finalu nad izuzetno dobrom ekipom Škofja Loke iz Slovenije. Juniorska selekcija u konkurenciji izuzetno jakih ekipa kao što su Sparsi,



Gen, Koš i Bosna, nalazi se trenutno na drugom mjestu na tabeli i siguran je učesnik play-offa za prvaka Kantona Sarajevo.

Seniorska ekipa KK Igman- Burča je u ovoj sezoni bila pravo iznenađenje Prve lige Federacije. Iako sa prosjekom od samo 20 godina, ova ekipa je u završnici prvenstva uspjela uvezati devet uzastopnih pobjeda i osvojiti prvo mjesto u A1 lige Federacije i veoma malo je falilo da ostvari najveći uspjeh u poslijeratnoj historiji kluba tj. plasman u premijer ligu Bosne i Hercegovine.

„Da se radi o klubu koji je na pravom putu je i naš stav da svi košarkaši koji nastupaju za ovaj klub moraju biti redovni učenici i minimalno vrlodobar uspjeh u školi ili sve položene ispite na fakultetu. Klub takođe već više godina sarađuje sa „Svjetlost“ i „Oaza“ udruženjima za osobe sa posebnim potrebama za koje svake godine organizuje redovne treninge i turnire. Sve ukazuje da ovaj klub ima svijetlu budućnost i da sigurno možemo očekivati izuzetne rezultate“ rekao nam je Dževad Šipka, direktor kluba. ■



Turnir u organizaciji Četvrte viteške brigade

U Hrasnici je u organizaciji Četvrte viteške brigade, povodom obilježavanja 27. godišnjice, održan turnir u fudbalu. Učesnici su bili Famos, Radnik - Hadžići, Željezničar i Velež Mostar. U subotu su igrali Famos – Radnik, gdje je nakon 0:0 u regularnom dijelu boljim izvođenjem jedanesteraca pobijedio Radnik. U drugoj utakmici igrali su Željezničar – Velež, a rezultat je bio 0:1

U finalu Memorijalnog turnira "4. Viteška" sastali su se FK Velež i FK Radnik Hadžići, a na kraju je slavio Radnik. Fudbaleri Radnika iz Hadžića rezultatom 4:2 poslije penala su savladali ekipu Veleža u finalu Memorijalnog turnira Četvrta viteška brigada, čime su došli do naslova na ovom turniru.

Treće mjesto je osvojio Željezničar, a četvrto Famos. ■

